

כְּשַׁל  
De

OPHIR  
SALOMONIS,  
SIVE EJUS  
NEGOTIATIONE INDICA,  
DISSERTATIO,  
Qvam

Cum Consensu Ampl. FACULTATIS PHILOS.  
In Regia Universitate ad Auram,

SUB PRÆSIDIO

Adm. Reverendi & Excellentissimi Viri,

M. ANDR. WANOCCHII,

Philos. Pract. & Hist. Professoris Ord.  
Præceptoris & Promotoris sui singu-  
lari venerationis zelo profe-  
quendi,

PRO GRADU MAGISTERII,

*Publico examini modeste subjiciet*

LAURENTIUS STACHÆUS,  
ZACH. FIL. NYL.

Dic xii. Junii Anni M. DC. LXXXIX.

In Auditorio Maximo.

Impr. apud JOHANNEM WALLUM, A. T.

Reverendissimo Domino ac Patri in  
CHRISTO,

DN. PETRO Bång/

S. S. Theologiæ Doctori Cele-  
berrimo, Dioeceseos Wiburg. E-  
piscopo eminentissimo, Consisto-  
rii ibidem Praefidigravissimo, nec  
non Gymnasii Regii, & Schola-  
rum Ephoro accuratissimo, Pa-  
trono magno & benignissimo,  
devoto obsequio æternum  
proseguendo,

SALUTEM ET ANNOS!

**I**vinum Numen justâ in Patriam  
nostram irâ jam accensum esse  
neminem non impræsentiarum  
ultra percipere posse autumo. Luctuosa  
eheu in quæ incidimus tempora! qvis  
enim ignorat T.O.M. DEUM clade ma-  
gnorum virorum hoc potissimum anno  
castigasse Patriam nostram dulcissimam?  
quem fugit brevi temporis intercape-  
dine in Svecia nostrâ aliquot Episcopos,  
amplissimos, magnosq; Ecclesiæ Christi  
Doctores, truculentâ morte abreptos es-  
se? quo certe ipso non modo graves  
DEI minas, sed & ipsas justissimas ob  
commissa peccata nostra pœnas, quivis  
cordatus tenetur agnoscere, ac serio  
precari, ut velit Divina Clementia pec-  
cata nostra nobis gratosè condonare,  
imminentia mala avertere, Ecclesiam  
suam benigno oculo respicere, acce-  
ptumve ejus damnum clementer repa-  
rare, nec non, quos adhuc superstites, fi-  
deles Ecclesiæ suæ Antistites & Docto-  
res, nobis reliquerat Divina bonitas, an-  
nis, salute, & felicitate beare, ut sanctum  
ejus verbum in Aquilone personet, glo-

riaq; ejus in omnibus terrarum plagis  
audiatur. De tuâ incolumitate, Reve-  
rendissime Pater, tanto majori jure læ-  
tatur Diœcesis Wiburgensis, quanto du-  
dum intellexerat, assiduū tuum laborem  
tuamq; dexteritatem ac industriam, nun-  
quam satis laudandam, semper illuc col-  
limare, ut omnia ibi in optimam redi-  
gantur formam, & purior DEI cultus  
undiquaq; reviviscat. Candidum quem-  
vis benignitate, malignum severitate,  
egenum auxilio excipere didicisti; Vi-  
duarum ac Orphanorum Patronum in-  
signem re ipsa Te declaras, studio-  
rum humaniorum cultores probos &  
assiduos optimis præmiis ornas, scho-  
larum commoda singulari zelo promo-  
ves, imo omnia decenter ac justè diri-  
gis. Hinc est, Reverendissime Pater,  
quod Diœcesis Viburg. jure meritoq;  
sibi impensè gratuletur de tuâ salute, &  
pro eadem calidissima ad DEUM vota  
fundat; hinc est quòd tot Musarum A-  
lumni ad Te tanto studio confluant, tu-  
umq; patrocinium quærant; quorum ē  
numero etiam ego minimus ad extre-  
mos

mos usq; cineres quorumvis cordatorum hominum precibus etiam meas, tensis ad fidera palmis, jungere non intermittam, ut velit **F.O.M. DEUS** Reverendissimum Patrem quam diutissime ab omni periculo salvum & sospitem conservare, in Ecclesiæ suæ fulcimentum, Diœceseos Viburgensis ingens emolumentum, Reipublicæ nostræ decus ac commodum, Omnia bonorum patrocinium, nec non splendidæ Familiæ Tuæ Illusterrissimum sidus ac ornementum! Cursum autem hujus vitæ cum feliciter peregeris, cordicitus solenni illa formulâ Arabum optabo: *Introducat Te DEUS in Paradisum!* Vale Patrone benignissime, ac qualemcunq; hunc laborem conatumve meum, quem ad aram benignitatis tuæ justâ veneratione depono, serenâ fronte respice, eundemque in humilimi devotique animi mei tesseram accipe!!!

*Reverendissimi Patris*

humilimus cliens  
**LAURENTIUS STACHAUS.**

*Adm. Reverendo & Preclarissimo DOMINO  
M. PETRO CARSTENIO,  
Cathedralis Templi Viburg. Pastori &  
Archipræposito gravissimo, Consisto-  
rii Assessori & S. S. Theologiae Lectori  
Primario, Mecœnati ac Confangvineo  
humilimâ veneratione suspicioendo.*

UT ET

*Plur. Reverendis & Clarissimis VIRIS,  
Vener. Consistorii ASSESSORIBUS amplis-  
simis, Regii Gymnasii LECTORIBUS inge-  
niosissimis ac solertissimis, Promotoribus  
meis singulari venerationis zelo de-  
prædicandis.*

*Viru pl. Reverendis Clarissimis ac Eruditissimis  
Dx. JOHANNI ALBOGIO, Civitatis ac  
Parochiæ Borgoënsis Pastori meritissimo, &  
Ecclesiæ adjacentium Præposito gravis-  
simo, mæcenati multis nominibus honorando.  
Dm. ANDREÆ Strängi Ecclesiæ Sibboëns-  
sis Pastori accuratissimo, Evergetæ ac Pro-  
motori reverenter colendo.*

*Dn. PETRO SERLACHIO Pastori in  
Perno vigilantissimo, ut Affini honoratissi-  
mo, ita Promotori & Fautori certissimo.*

*Spectabili ac Prudensissimo VIRO,*

*Dn. HERMANNO Deterding Civi ac Merca-  
tori Civitatis Borgoënsis accuratissimo, Affi-  
ni & Fautori optimo.*

**N**signis illa gratia ac benevolentia,  
quâ & me & quosvis artium libe-  
ralium studiosos prosecuti estis. Mæ-  
cenates & Fautores, non potest non eo usq;  
me adigere, ut specimen hocce graduale Vestris  
Nominibus reverenter & officiose inscribam;  
imprimis quotiens recordor beneficia illa mul-  
ta, & optimâ benevolentie documenta, quibus  
paternam meam domum cumulastis, totiens  
deprehendo eadem ipsa suo merito à me postu-  
lare reverentiam & animum ad gratitudi-  
nem promptum & paratissimum, quem & per  
omne vitæ meæ spatiū vobis declarare in-  
defesso studio annitar. Hâc etiam vice non  
tam Chartulam banc, quam eundem animum  
prolixa officia Vobis offerre cupientem exti-  
beo, quem & sereno vultu ut suscipiatis, & me  
in numerum eorum, qui Vestri audiunt, redi-  
gatis, etiam atq; etiam rogo. De cetero ut  
in seros Nestoris annos vibatis Salvi & in-  
columnes, finitâq; feliciter hâc peregrinatione,  
in eterna commigretis Tzionis Domicilia, af-  
fectu ardentissimo verbisq; longe prolixiori  
Opto! Valete.

Adm. Rev. & Celebrium Dig. Vest.

cultor subiectissimus  
L. STACHÆUS.

Spectabili Pereximioque Viro,  
DN. LAURENTIO STACHÆO,  
Philosoph. Candidato vere probatissimo, a-  
mico meo singulari, dum Disputationem pro  
Laurea Magisterii Historico-Geographicam,  
de *Itinere Classis Salomonæ Ophirico*, ad-  
ornaret & defendaret:

**Q**uando Palæstini laqueata palatia  
Templi  
Exstruxit *Salomon*, mentis opum-  
que potens:  
Tunc ad *Ophir* fuerat resoluta ab littor-  
re classis,  
Quæ veheret fulvi pondera ma-  
gna satis  
**Auri.** Nunc itaque & monstras, quid  
*Ophirica tellus,*  
**E**t celebras nomen, *Docte Vir, i-*  
*pse tuum.*

æv. 1692

**ANDREAS WANOCHIUS.**  
Phil. Pract. & Hist. Prof.

I. N. J.


 Irca inquirendam re-  
 gionem, illam ad quam  
 tertio quovis anno  
 tendebant naves Re-  
 gis Salomonis, *Ophir* dictam,  
 duo imprimis occurrunt celebri-  
 orum sententiarum divortia,  
 dum quidam eandem in *India oc-  
 cidental* five *America*, alii rur-  
 sum in *India Orientali* quærere  
 volunt; prioris sententiæ Patro-  
 ni ipsam imprimis respiciunt re-  
 gionem *Peru*, in Australi Ameri-  
 câ, eandemq; autumant Salo-  
 monis esse *Ophiram*, persvasi *par-*  
*tim* I. Diuturnitate hujus ex-  
 peditionis, utpote cui trium an-  
 norum spatium insumebatur I.  
 Reg. x. 22: *partim* 2. Conveni-  
 entiâ nominum *Ophir* & *Parva-*  
*jim* 2. Paral. III. 6. cum nomi-  
 ne *Peru*: quam tamen sententi-  
 am sibi non satis constare posse,  
 probabunt rationes sequentes.

2. *Prima ratio defumta esto ab ipso portu, unde solvebat classis hæcce Salomonea in Ophiram tendens, nimirum ab Hetzion-Geber, quem situm fuisse in littore rubri maris, tam è Sacris quam è prophanis scriptis evidentissimè constat 1. Reg. ix. 26: Classem paravit Rex, Schelomo Hetziona Geberi, ASCHER ELOTH AL SEPHAT JAMM SUPH BEERETZ EDOM, i. e. quæ est ELOTH ad littus maris algosi (h. e. rubri, sive nimirum in S. Scripturâ perpetuò dicitur) in terrâ Edomaorum. Conf.*

**2.** Paral. ix. 17. Hieronymus in Loc. Hebr. memorat oppidum

Portus hocce ELOTH, cui adjunctus erat portus HetzionGeber dictum  
Hetzi- on-Ge- fuisse suo tempore Eßam; Est, berubi? inquit, civitas Eßam, quam nunc Eßam nuncupare putant & Ailam.

dicitur etiam Elath. 2. Reg. xvi.

6. Græcis & Romanis scriptoribus varie hocce nomen effertur videlicet. Ailar, Aila, Elat, Aelana,

Eilane

*Eilane, Leana*, quam scripturæ  
inconstantiam etiam suo tempo-  
re notat Plinius Hist.Nat. lib. vi.  
cap. 28. Erat nempe oppidum  
in confiniis Palæstinæ & Ægypti  
situm, ac proinde etiam ambi-  
gui juris, quod illo tempore  
jam extitisse, quo terram pro-  
missam intrarunt Israélitæ, me-  
morat Moses Deut. ii: 8. Tem-  
pore autem Salomonis erat op-  
pidum hōce in potestate Isra-  
elitarum: nam totam Edomæo-  
rum terram sibi subjecit David,  
ut constat ex 2. Sam. ix. 14. pro-  
inde etiam *Eloth*, unde potuit Sa-  
lomon liberè commercia sua ex-  
ercere, & navigationem in ter-  
ras longinquas instituere per fi-  
num Arabicum, sive mare ru-  
brum. Nec tamen diu post o-  
bitum Salomonis *Edomæi* susti-  
nuerunt jugum Israelitarum, i-  
terum autem domiti sunt ab  
*Asaria*; deinde *Achæsum* Regem  
ē terrâ Edomæorum expulit

4 Retzin Syrus, dominioq; Syro-  
rum urbem Eloth in multa se-  
cula vindicavit; donec sub Pto-  
lomeis & Seleucis varias experta  
mutationes in Romanorum po-  
testatem transiret, quos legio-  
nem decimam ibi collocasse re-  
fert Hieronymus in locis Hebr.  
A metropoli Arabiæ petrææ, Pe-  
trâ, emporium hocce Eloth di-  
stare decem millia passuum me-  
morat Eusebius præpar. Evang.  
lib. ix. Qui curiosius situm op-  
pidi Eloth percognoscere volu-  
erit, adeat Lumen illud Galliæ  
*Samuelem Bochartum* in Geograph.  
Sac. parte posteriori Canaan lib.  
I. cap. 44. pag. m. 762. Unde,  
ut & ex allatis hisce cum non  
possit non constare, Oppidum E-  
loth unâ cum portu *Hetzion-Geber*  
ad oram maris rubri suum situm  
habuisse; neminem altiori men-  
tis indagine rem pervolventem  
putaturum credo, Salomonem  
tam imprudentem, suarumve re-  
rum

rum negligētem fuisse, ut hinc  
per mare rubrum circum vastam  
& universam *Africam* ad *Ameri-  
cam* navigationem institueret, ut-  
pote tum, ut recte dicit Excel-  
lentiss. Doct. Pfeifferus in Dubiis  
Vexatis Centur. II. loc. 95. p.m.

5

432. duplice nomine stulte feci-  
set Salomo: I. Vicinior & facili-  
or fuisse navigatio è *Joppe* &  
*Tyro*, per mare mediterraneum.  
II. Quod res illas, quas in locis  
vicinioribus habere potuisset, pe-  
teret ex *America*, uti Hebēnum  
& ebur in Americā (præsertim  
Peruviana) rarius, auri vero  
magna copia in India orientali,  
& longè major illarum rerum  
quam in Americā.

## II.

*Altera ratio* cur *Ophir* Salomo-  
nis in Indiâ occidentali gratis  
quæratur, hæc est; quia adhuc  
tempore Salomonis, vis magne-  
tis ad Polum fese vertentis, erat  
incognita, ususq; pyxidis nauti-

6 cæ inter mortales altis inficiæ  
tenebris adhuc involutus, cuius  
præter auxilium impossibile e-  
rat, per tanta vastissimi Oceani  
spatia anfractuosissima, *Indiam oc-*  
*cidentalem* adire, multo minus sta-  
tis temporibus ire redireque.  
Certè quam periculose iter sit  
circum totam *Africam*, haud igno-  
rant rerum nauticarum hodie  
peritissimi Belgæ, in *Indiam* ten-  
dentes Orientalem: Variis im-  
primis difficultatibus circa *equa-*  
*torum* premuntur, quem ob dif-  
fusissimam promontorii Africa-  
ni *Cap de bon Esperance* excursio-  
nem in mare bis transire tenen-  
tur. Vim autem magnetis *inve-*  
*nuixiv* nuspiam tum temporis  
cognitam fuisse, altum illud de  
stupendo hoc naturæ miraculo  
silentium apud auctores quosvis  
antiquissimos, mihi facile fvatet.  
Legas perlegasque *Platonem*, *A-*  
*ristotelem*, *Socratem*, *Hesychium*, a-  
liosque omnes istorum tempo-  
rum

Pyxis  
nautica  
an An-  
tiquis  
notata.

rum scriptores, & de vi hâc ma-  
 gnetis ιγεμονική, nec volam nec  
 vestigium invenies: & quis quæ-  
 so mortalium credet? Omnes  
 hosce curiosissimos rerum inda-  
 gatores & perscrutatores pretio-  
 fissimum hocce rerum humana-  
 rum subsidium sicco prorsus  
 pede præteriisse, quos quandoq;  
 tamen vilissima naturæ etiam an-  
 notasse & posteritati commemo-  
 rasse constat? Nec est quod quis  
 quam cum Cl: *Fullero* existimet,  
*Tyrios* à Salomone de vi hacce  
 Magnetis edoctos eandem stu-  
 diose celasse, modisq; omnibus  
 επ απορητικούς cautissimè continu-  
 isse, indeq; lapidem huncce ιερά-  
 κλειον dictum fuisse, quia (ut pu-  
 tat) nomen traxit ab Hercule  
 Phœnicio; huic etenim *Fullero*  
 abunde satisfecit longe eruditissi-  
 mus *Bochartus* in *Geogr. Sac.* par-  
 te post. Canaan lib. I. p. m. 717.  
 hisce verbis: *Hec viri docti sen-  
 tentia ne umbram quidem habet ve-*

ritatis: quis enim crederet, rem tam  
necessariam semel repertam potuisse i-  
ta aboleri, ut ne vestigium illius su-  
peresset; periit quidem ars pluma-  
ria, ut à Fullero notatum, & ars pur-  
puram conficiendi, quæ Tyrum olim  
non parum nobilitavit; Sed ha-  
res ad luxum potius, quam ad usum  
pertinent: iis saltem carere possumus  
sine ullo insigni danno, acu nauticâ  
non item, cuius adminiculo nobis pa-  
tuere maria clausa hactenus, & in re-  
motissima terrarum libera fuit navi-  
gatio. Quod videtur beneficium  
Deus in hac mundi senectâ generi hu-  
mano concessisse, ut Evangelii doctri-  
na citius & facilius per orbem pro-  
mulgaretur. Hactenus ille. Et  
Præterea valde lubricum funda-

Ma-  
gnes  
unde  
diceba-  
tur  
*ηράκλειος*;  
xλειος;

mentum sententiae suæ substernit  
bonus Fullerus, scilicet confictam  
illam hypothesin, magnetem di-  
ci ηράκλειον ab Hercule Phœnicio; a-  
gnoscere tenemur magnetem à  
Græcis scriptoribus dici ηράκλειον,  
uti id videre licet in Hesychio Ἀτ.

Tetrab.

Tetrab. I. serm. I. c. 25. aliisque, 9  
quod & *Plinius* asserit lib. xxxvi.  
c. 16. ita tamen non dicitur ab *Her-*  
*cule Phœnicio*, sed ab *Heraclea Lydiæ*  
urbe, ut *Hesychius* loc. cit. οὐκλητας  
δε γένος από Ηράκλειας της εν λυδίᾳ  
πόλεως; Sic vocatur ab *Heraclea ly-*  
*diæ civitate*. Causam, cur ab hac  
civitate nomen fortitus sit, indi-  
cat Auctor *Etyinologici*, dum di-  
cit: οὐχ Ηράκλειαν τὸ πρῶτον εφά-  
νη, Circa *Heracleam* primum appa-  
ruit. Itaque eodem plane mo-  
do dictus est Ηράκλεος, quo di-  
ctus est *Magnes*, nimirum à re-  
gione *Magnesia* ubi nascebatur,  
juxta *Lucretium*:

*Quem magneta vocant patris  
de nomine Graji*

*Magnetum, quia sit patris de  
finibus ortus.*

Recte itaq; Cl. Sperlingius insti-  
tut. Phys. pag. 320. loquitur;  
*Pyxidis nauticæ autorem alii Flavi-*  
*um Melphitanum, alii Paulum Vene-*  
*tum faciunt, hoc tamen magnetis ar-*

10 canum fuit mansitq; areasum & ignotum Aristoteli, Plinio, Dioscoridi, & antiquis omnibus.

§. III.

Tertia ratio, cur Ophir Salomonis frustra in Noyo Orbe ponatur, est, quod nulla hujus novi orbis commemoratio apud vetustos scriptores reperiatur; certe si navigatio in Americam à Salomone fuisset inventa, tantū abest, ut poterat iterum tantarum divitiarum vastissima regio ab hominibus plāne relinquiri, ut potius continuo illic ab omnibus terrarum oris, homines divitiarum cumulandarum gratia (uti hodie fit) confluxerant: aliud enim non potuit permittere illa penes mortales auri sacra famēs. *Diodorus Siculus* lib. v. pag. m. 207. memorat quidem, insulam quandam amœnissimam in mari Atlantico, multarum diērum navigatione à Libyā distan-tem, à Carthaginensibus tempe-state

state pulsis inventam fuisse. II  
Quod etiam Aristoteles in lib.  
mirabil. affirmat, dum dixit:  
*In mari, quod est extra columnas  
Herculeas, ajunt a Catharginensibus  
inventam fuisse insulam desertam,  
silvas habentem omnis generis arbo-  
rum, & fluvios navigabiles, & ceteris  
fructibus mirè fertilem, multorum  
dierum itinere à Gadibus remotam, in  
quā cum propter ubertatem sāpe com-  
mearentur Carthaginenses, adeoq; in  
illa nonnulli pedem figerent, Cartha-  
ginensium pr̄sides sub pœna mortis  
cauisse, ne quis eo navigaret, & omnes  
loci incolas e medio sustulisse, ne rem  
propalarent, & multitudo ad illos se  
conferens insulae principatum confe-  
queretur, & Carthaginensium felici-  
tatem interturbaret. Hæc tamen o-  
mnia mera commenta & fabu-  
las sapere, docte pro more suo  
probat Bochartus loco cit. tam à  
convenientiâ aliorū omnium au-  
thorum antiquissimorum in eo,  
quod Carthaginenses & Phœnices in  
mari*

mari mediterraneo navigantes,  
non ausi fuerant transire *Gades*,  
sive fretum *Herculis*, quod jam  
*Gibraltar* dicitur; quam ab inco-  
gnito plane per omne istud tem-  
pus usū pyxidis nauticæ: &  
quod maximum est, si *India oc-  
cidentalis* unquam frequentata  
fuerat à *Carthaginensibus* aut *Phœ-  
nicibus*, qui quæso ab hominibus  
divitiarum cupidis iterum plane  
fuit derelicta, & sequentibus  
temporibus prorsus ignota,  
tam populis *Astaticis*, quam *Eu-  
ropeis & Africanis*, usq; ad ingenio-  
sissimum virum *Christophorum  
Columbum*, qui ut accuratissimus  
*Physicus* à *Zephyris* constanter  
è mari spirantibus (novit etenim  
ventos non nisi è terrâ assurgere  
posse) de novo aliquo orbe dete-  
gendo cogitavit, qui tam à *Ge-  
nuensibus*, quam *Alphonso* Portu-  
gallie Rege pro insano habitus,  
ægrè à *Ferdinando Catolico* Rege  
*Hispaniæ*, intercedente Reginâ

Isabellâ, naves duas obtinere potuit, cum quibus circa An.Christi 1492. occidentem versus navigavit, insulasque Hispaniolam, Cubanam Jamaiquam, sub tropico cancri sitas, post varias exantlatas molestias appulit. *Americus* autem Vesputius circa An Ch. 1497. terram Americæ continentem detexit. Recte itaque Excellentiss: Doct. Pfeifferus in Dubiis Vex. Cent.

II. Loc. 95. pag. 433. *Si India Occidentalis, & navigatio in eam a Salomone fuisse reperta atque trita, utique mansisset, que auri sacra fama est, ejus memoria & continuatio; at nulla ejus memoria extat, immo ante Columbum & Americum Vesputium terra illa incognita fuit.*

#### IV.

Addenda jam quoque esset Quarta ratio contra illos, qui statuunt Peru esse Salomonis Ophir, desumpta nimirum à rebus illis, quas ab ophir deduxit classis Salomonéa, quæ omnes minime

in

14 in *India occidentali* reperiuntur ;  
qua de re conferri potest erudi-  
tus *Josephus Acosta*, In descript: No-  
vi Orbis; ego vero , qvandoqui-  
dem breves hâc vice lineas duce-  
re animum meum instituerim,  
hisce tallatis acquiesco. Restat  
tamen, ut ad rationes pro regi-  
one *Peruviana* adductas respon-  
deam. I. A convenientia nomi-  
num *Ophir* & *Parvajim* cum *Peru*  
plane nullum est; nam præter id,  
*Peru* quod argumenta quæ à nudà con-  
venientia nominum ducantur,  
novum sint infirmissima , etiam *Peru* est  
est. plane novum, & ipfis *Peruvianis* e-  
tiamnum hodie incognitum, im-  
positumq; ab *Hispanis*, illos occupa-  
tibus, vel a fluvio quodam illic  
sito , ut testatur *Josephus Acosta*;  
vel ab homine primum illic ob-  
vio, pescatore quodam, nomine  
*Beru*, qui ab *Hispanis* de nomine  
terræ percunctatus , suum no-  
men qværi, lingvæ *Hispanicæ* i-

gna-

gnarus opinabatur, respondetq;  
*Beru*: inde nomen hocce toti re-  
gioni ab Hispanis impositum ef-  
fe dicitur. Conf. Pfeifleri Dubia  
V. Cent. II. loc. 16. pag. m. 468.  
II. Illius sententiæ fundamentum,  
quod est navigationis diuturni-  
tas, etiam infirmo stat talo; nam  
non dicitur in S. Scripturâ tan-  
tam temporis intercapelinem  
ipsi navigationi insumtam fuisse;  
sed classem *Salomonis* tertio qvo-  
vis anno ivisse & rediisse; maxi-  
ma procul dubio temporis pars  
tum negotiationibus, tum quaf-  
satarum navium refectionibus  
impendebatur; adeo etenim è ja-  
statione illa perpetuâ maris dis-  
solutæ redduntur naves, ut etiam  
ipsis *Hispanis* paucissimæ haëte-  
nus extiterint naves, quæ duas  
amplius navigationes in *Indiam*  
*orientalem* perficere potuerunt,  
uti ipfem *Gasparus Varerius*  
(natione Lusitanus) Dissert. de  
Ophira pag. m. 226 fatetur. Ad  
hæc.

16 hæc in Indico mari sunt stati-  
ventorum flatus, *Monsoæ* voca-  
ti, qvos expectare tenebantur  
naves Salomonis, iisdemq; ju-  
xta varios suos cursus , varios-  
que mæandrorum flexus (litto-  
ra enim pyxide nauticâ destitu-  
tæ legebant) uti, quam ob rem  
tum & parum istoc tempore ex-  
ercitatam artem nauticam ,  
multum etiam temporis ipsi na-  
vigationi impenderunt.

V.

Sic rejectâ sententiâ priori re-  
manet posterior, quâ *Ophir Salo-  
monis* quæritur in *India Orientali*;  
heic vero in antecessum notan-  
dum, hujus sententiæ autores a-  
lios contendere, totum regnum  
*Pegu* venisse nomine *Ophir*, inter  
quos Magnif. *Calobius* in illust:  
Bibliis, *Gasp: Varerius* de Ophi-  
ra, & perplurimi alii; quosdam  
aliquam regni *Pegusi* partem, vel  
auream *Chersonesum*, qvæ jam  
*Malacca* dicitur , cuius senten-  
tiæ

Regio  
Ophir  
est in  
India  
Orien-  
tali

tiæ autor est *Josephus* in *Antiquit. Judaicis*; vel *Taprobanam* insulam, jam *Seilam* nominatam, quam sententiam defendit Bochartus in *Georg. Sacr.* pag. m. 169. Verum non adeo magni momenti rem in eo sitam esse existimo, utrum tota provincia, an quædam ejus pars dicta fuerat *Ophir*? paucis tantum impræsentiarum videndum, utrum, & quibus rationibus *Ophir* Salomonis in *India orientali* recte quæratur?

17

Huc nos ducunt PRIMO antiquissimi quique Scriptores, qui expeditionem hanc Salomonis attigerunt, quorum unum vel alterum nominare pro institutâ brevitate sufficiat. *Flavius Josephus*, tempore *Titi Vespasiani* Imperatoris, historiam Sacrorum librorum, more uncung̃ paraphrastico conscripsit, qui etiam Romæ ob singularem suam eruditionem insigni statua condecoratus est, ut tradit *Hieronymus*, de-

I.

B

claris

18 claris Scriptoribus: hic Josephus lib. ix. Antiquitatum Judicarum Cap. 2. dicit: *Habuit autem (Salomonem intelligit) ad edificandas naves beneficio Regis Hiræ, ipse namq; ei multos viros gubernatores, & in marinis rebus edocetos misit, quos jussit navigare, cum dispensatoribus suis ad locum qui olim Ophira, nunc terra aurea nuncupatur, (est enim in Indiâ) ut aurum deferrent, & colligentes quadringenta talenta, ad regem denuo sunt reversi. Auream vero terram, sive auream Chersonesum, in Indiâ orientali sitam esse, omnium tam veterum, quam recentiorum Geographorum consensus validissimè firmat.* Ptolomæus Lib. vii. Tab. Undec. Asiae dicit: *Super argenteam regionem in qua multa dicuntur esse metalla non signata, superjacet aurea regio Besyngitis appropinquans, que & ipsa metalla auri quamplurima habet.* Hieronymus in locis Heb. & Epist. 140. ad Princip. Theod.  
quæst.

quæst. 31. inquit; *Est* (Ophir sc.  
nam de hac loquitur) quædam re-  
gio *Asie*, quam *Geographi* nominant  
auream. Et cum hisce conser-  
tit totus fere antiquorum scri-  
ptorum Chorus.

19

VI.

II.

SECUNDO Eadem ratio, quæ pau-  
lo ante sententiam priorem de  
novo orbe improbavit, pro hâc  
posteriori, de *India Orientali*, quam  
maxime militat; ratio sc. ducta  
à situatione portus, unde solve-  
bant naves in *Ophir* tendentes; &  
incognito usu pyxidis nauticæ:  
portus ille erat *Hetzion Geber*, ju-  
xta oppidum *Ailoth*, situs in lit-  
tore maris rubri, & terra *Edome-  
orum*, uti antea probatum; a-  
cus vero nautica, quoniam istoc  
tempore plane erat ignota, ne-  
cessum habemus dicere, naves  
hasce *Salomonæ* talem adiisse  
regionem, quæ continuo cohæ-  
rebat cum ipsa *Edomæa*, unde di-  
gressæ sunt, ita ut naves hæ po-

B 2

tuif-

20 tuissent littora continentis terræ  
legere cum navigarent, atq; sic  
manu quasi ducimur in ipsam  
*Indiam orientalem.* Sed regeret  
forte aliquis : *Potuisse classem Sa-*

*Naves Salomonis subsistere in loco quodam vi-*  
*Satō-monis ciniōri, e.g. in Arabia, nam & hæc e-*  
*nō ten- rat auro onusta, ut constat ex Psal.*  
*debant LXXII I. VEJITTEN LO MISHABH*  
*in regi- SCHEBHA, & dabitur illi de auro*  
*onē ali- Saba. Esa. IX. 6. Omnes ē Saba*  
*quā, In- venient, Tbus & aurum afferent.*  
*dīa O- Confer ea, quæ de Regina Sa-*  
*rientali bæorū commemorantur I. Reg.*  
*propin- x. 2. Verum Respondetur: Huic*  
*quiore. opinioni obstat I. Diuturnitas i-*  
*tineris, quod quovis triennio ab-*  
*solvebatur; Unde patet Ophiram*  
*fuisse ab Edomaea longe remotiore*  
*Arabiā. 2. Nec potuit Ebur ab A-*  
*rabia afferri, in qua Elephantes*  
*nulli sunt. 3. Consensus veterum,*  
*Ophiram in India Orientali sitam*  
*fuisse clamat..*

VII.

III. TERTIO, cum allatis hisce mi-  
rum

21

rum in modum conspirant mer-  
ces illæ omnes, quæ ab Ophirâ ad Res o-  
Salomonem adductæ fuerunt, mnes  
videlicet ligna *Almaggim*, sive ab O-  
*thyina, ebur, simiae, pavones, lapides phir de-*  
pretiosi, aurum, argentum, gemmae, ductæ  
& cercopithei; quæ omnia vix inveni-  
untur, ac ne vix quidem in una aliquà in India  
universi orbis regione, ne dum orient.  
tantâ copia reperire licet, ac in  
*India Orientali*, adeo, ut vel hæc  
sola ratio abunde nobis suffice-  
ret, ad quærendam *Ophiram Salomonis* in *India Orientali*. *India*  
inquit Isiodorus lib. xiv. cap. 3. VI  
*Taprobananam habet gemmis & Ele-*  
*phantis refertam, Chrysen & Argy-*  
*ren auro argentoq; facundas, gignit*  
*Elephantos ingentes, ebenum lignum,*  
*& cinnamomum.* Curt. lib. vii. In-  
diam describens dicit: *Gemmife-*  
*ræ amnes sunt Acecinus & Ganges,*  
*terrarum vero omnium maxima In-*  
*dia, aurum in India flumina debunt,*  
*regia auratas columnas habet totas,*  
*belluarū corpora tota teguntur auro.*

Et lib. v. *Nemus aggressum pavonum* multitudine frequens. Plinius lib. vii. cap. 21. *Indi Simias teto corpore carentes venantur.* Ludovicus Vartomanus lib. v. cap. 21. in aurea Chersoneso magni pretii cercopithecos esse memorat. Sed in re minime dibiā prolixis non opus est testimoniiis, etiamnum hodie tales res maximā copiā in *Europam nostram, Hispaniam* imprimis, & *Belgium* devehuntur.

## IV.

## VIII.

*Quarto* nec prætereundum est, quod aurum Ophiriticum appelletur etiam *Paz* Cant. v. 10. *U-*  
*Paz*, *U-*  
*phas*, &  
*Parva-*  
*India*  
*Orient.* *phas* Dan. x. 5. & Jerem. x. 9;  
*quæ nomina in Indiā Orientali*  
*satis clara esse testatur Ptolo-*  
*jim* in mæus, dicendo in Insula *Taproba-*  
*na* insignem sinum esse, nomi-  
*ne Paz*, & amnem nomine *Phas*.  
*Aurum Ophiriticum* dicitur et-  
*iam Parvajim* 2. Chron. iii. 6. Sy-  
*ra* vero & Phœnicia flexione  
*Parbas*.

*Parvajin*, & mutato genere *Parvan* vel *Provan*, quod vocabulum in *Taprobanæ* latere nemo non animadvertisit, adjecta scilicet voculâ *Taph*, quæ littus notat, quâ de re ulterius consulatur Excellentiss: Bochartus, de hisce, non obscuris antiquitatis vestigiis, prolixius differens in *Phaleg*. lib. II. Cap. 27. p. 161.

IX.

V.

QVINTO, lucem haud exiguum huic sententiæ conciliat frequens ille Hebræorum, ipsorum etiam Sacrorum Scriptorum mos, terris imponendi nomina eorum, qui primum easdem colere & inhabitare ceperunt, qua ratione regiones *Canaan*, *Pbut*, *Chuscb*, *Mitzraim*, *Chavila*, aliasq; valde multas, nomina sua sortitas fuisse, præeunte S. Scriptura monstrat Bochartus passim in tota Geogr. Sac.; quin & de regione *Ophir* idem dicendum sit, nulla subest dubitandi ratio:

B 4

notum

24 notum enim ex Gen. x. v. 29. 30.  
Ophir Jochtanem genuisse præter alios  
dicitur etiam Ophirum & Chabilam: Fu-  
ab O- itque horum (exstat ibi) habitatio-  
phiro nis fili- à Messa, quā venis Sepharum ad mon-  
te rechta- nis fili- tes orientis usq;. Quibus dum Sa-  
o, He- ccerine, cteris suis fratribus habitasse  
berine, pore. memorat (in oriente scilicet à  
campo Sinear five Babyloniā, ubi  
circa exstructionem turris Ba-  
belicæ facta est linguarum con-  
fusio; heic enim erat terminus a  
quo dispersionis) inde non obscu-  
re intelligimus Ophirum ipsam In-  
diām, quæ maxime orientalis est  
Babyloniae, inhabitasse, suumque  
nomen regioni reliquisse. Quæ  
sententia etiam est antiquissi-  
morum Scriptorum prophano-  
rum, quibus omnino anumeran-  
dus est Flav. Josephus, qui citatum  
Geneseos locum in modum fer-  
me Paraphrasticum exponens, i-  
ta loquitur in Antiquit. Judaic.

lib.

lib. i. cap. 6: Heber autem genuit  
Phaleg, quoniam secundum divisionem habitationum natus est. Phaleg autem divisionem Hebrei vocant.  
Jectan vero, qui filius fuit Heber, bauit filios Helmodad, Salepb, Asarmoth, Farach, Aduram, Uzal, Decla,  
Obal, Abimael, Saba, Ophir, Hevila,  
Jobab: Isti à flumine Cophino Indiae,  
Et posita circa eam Syria, loca quædam inhabitant. Nominat Josephus flumen Cophen sive Copinum, quod etiam satis celebre in India Orientali esse testantur Plinius Hist. Nat. lib. vi. cap. 21. & 23, & Pomponius Mela lib. iii. c. 7. Cum Josepho consentit iterum Hieronymus in Comment. de locis Hebr. Messa regio Indiae est, in quâ habitarum filii Jectan, filii Heber.

X.

Hisce omnibus accedere potest, quod navigationes à multis retro seculis per Arabicum finum in Indianam Orientalem ex Aegypto &

26 *Palestina usitatæ, commerciaque  
inter populos harum terrarum  
valde celebria fuerint, testibus  
Diodoro Siculo lib. xv. Strabone l. II.  
Arriano & aliis.* Verum insti-  
tutæ brevitatis memor, addu-  
ctas hasce rationes pro *India O-  
rientali* quodammodo sufficere  
puto. Coronidis loco tantum  
notabimus, quosdam, ut *Goropi-*

**A**n Sa-  
**S**olomoni  
duæ fu-  
erunt  
lasses ? *um, Beccanum, Cornelium à Lapide,*  
aliasque, *Salomoni* duas tribuere  
classes, *unam* in sinu Arabico, ad  
*Eloth*, quæ in *Ophiram* navigavit,  
*alteram* in Joppe ad oram maris  
Mediterranei, quæ in *Tarschisch*  
ivit, sive (ut volunt) *Tartessin*  
*Civitatem Hispaniæ*; dicitur e-  
nim *I. Reg. x. 22.* *Classis Regis i-  
bat in Tarschisch tertio quovis anno.*  
*Illam* quotannis ivisse in *Ophir*,  
concludere volunt è citati Cap.  
versu 14. ubi secundum versio-  
nem Junio-Tremellianam hæc  
verba: *Erat pondus auri, quod obve-  
niebat Schelomoni quolibet anno (re-  
ctius*

ctius in uno anno, nam in textu  
originali est BESCHANA ECHAT)  
*sexcentorum sexaginta sex talento-*  
*rum auri: Hanc vero quovis tri-*  
*ennio ivisse in Tarschisch. Illa sol-*  
*vebat (inquiunt) ex Hezion Geber in*  
*sinu Arabiæ 2. Paral. ix. 17. Hec*  
*vero ex Joppe, vel alio aliquo*  
*portu maris mediterranei, quod*  
*per Tarschisch intelligunt. Verum*  
*enim vero cum ex 2. Paralip. xx.*  
*36. luce meridiana clarius sit, na-*  
*ves in Tarfis eunt, per mare*  
*rubrum ivisse: ita enim ibi ex-*  
*tat: Eum (seu Achasiam) consoci-*  
*avit sibi ad faciendum naves, quibus*  
*adirent Tarschisch, feceruntque naves*  
*in Hezion Geber. Nec uspiam ali-*  
*bi dicitur, expeditionem aliquam*  
*factam fuisse ex Joppe, vel alio*  
*portu maris mediterranei, sed*  
*tantum ex Hezion Geber, vel Sila*  
*in sinu Arabico; nec in Hispania*  
*merces à classe Salomonéa in*  
*Tarschisch navigante adductæ,*  
*nisi paucissimæ tantum reperi-*  
*untur:*

28 untur: utiq; fruſtra Salomonis  
duæ affinguntur classes. Vocem  
*Tarschisch* quod attinet, tum hæc,  
juxta communem doctorum  
ſententiam, non eſt terminus ad  
quem navigationis *Classis Salo-*  
*moneæ*; Sed nomine hoc apud  
Hebræos designabatur ipsum  
mare; imprimis quidem medi-  
terraneum, ſic dictum vel à *Tarſi*,  
filio *Javan* Gen. x. vel à *Tarſi*, no-  
bili Ciliciæ urbe (Josephus Anti-  
quit. Jud. lib. i. c. 12. Hierony-  
mus quæſt. 61. in Genesin) Inde  
etiam ipfe Oceanus ab Hebræis  
*Tarschisch* dictus eſt. *Fieri namq;*  
*potuit*) verba ſunt Magnif. Calobii  
in *Bibliis Illuſt.* ad h. l. Tom. I. pag.  
799.) ut quia mare Ciliciæ proximum  
eſt Hebræis, & valde notum, ubi Tarſis  
erat nobilis civitas, quodcunq; aliud  
mare non ſolum mediterraneum, ſed  
etiam Oceanus dicatur Tarſis, id quod  
in aliis rebus non infrequens. Nam  
ab eo, quod nobis aut primum aut ma-  
xime notum eſt, nomen ſapè tribuimus

iiſ, quæ

is, qua ejusdem generis sunt. Et  
sic vox Tarschisch ab ipso Hiero-  
nymo in Epistola ad Marcellam,  
& in commentariis super Jonam  
Proph. exponitur; nec aliter à  
LXX. Interpretibus translata est  
e.g. Esaiae xxiii. *Ullulate navi*  
*maris,* (in fonte est Tarschisch) & E-  
zech. I. 16. *Cheen Tarschisch*, se-  
cundum visionem maris. Dis-  
cedunt ergo à fonte Hebræo  
versiones latinæ, & aliæ (cen-  
sente Magni. Calovio in Bibl.  
illustr. loc. cit.) in quibus dicitur  
¶ Reg. x. 14. *Erat pondus auri,*  
*quod obveniebat Salomoni singulo an-*  
*no;* nam juxta fontem est; *quod*  
*obveniebat Salomoni uno anno;* quo  
scilicet anno tantam auri copi-  
am adductam fuisse, ceu pecu-  
liare quid, ditioris proventus i-  
stius anni commemorandi causâ  
indicatur. Et sic quoque hunc lo-  
cum publice explicantem audi-  
vi Reverendiss. Dn. Doct. Ericum  
*Benzelium*, anteà in Universitate  
Upfa-

Upsaliensi S.S. Theologiæ Professorem celeberrimum, nunc Diœcœfeos Strengnensis Episcopum eminentissimum. Alias non video, qvin in versionibus istis *διπλότης* qvædam sensus inferatur, qvandoquidem juxta illas singulis annis 660 talenta auri ab Ophir allata fuisse, & tamen (ut ejusdem cap. vers. 22. habet) classem Salomoneam non singulis annis, sed qvovis tantum triennio ab Ophir rediisse diceretur. Et præterea parum videtur veritati consentaneum, classem hanc idem præcisè pondus auri quovis anno obtinuisse, cum proventus varient.

Hæc sunt benev. Lector, quæ de nobili hocce argumento, à paucissimis elaborato, in medium proferre permisit mihi summa temporis angustia; Ut omnia in meliorem interpreteris partem, tua modestia meaque spes efflagitant. Vale.

*Gloria in excelsis Deo!*

## COROLLARIA

I. Voces Urim & Tymmim  
derivantur ex ur lucere, & Tamam  
perfectus fuit, recteque vertuntur in  
lat. per luges & perfectiones, & in  
nostra Svet. per Liwus oꝝ fulsome  
ligheet. Quid autem fuerunt U-  
rim & Tymmim, et si de eo inter-  
pretes diversissimas foveant sen-  
tentias, eorum tamen mens vi-  
detur maxime veritati consentia-  
nea, qui dicunt ipas duodecim  
gemmas pectorali, Pontificis in-  
sertas, dictas fuisse Urim & Ty-  
mim, ob usum quem habebant divini-  
tus ordinatum, utpote per illas de-  
center aplicatas, Pontifex in rebus  
abstrusis & dubijs Deum invocans  
& consulens, a Deo illuminabatur,  
& ad quæstionum decisionem cer-  
tus & perfectus reddebat. De  
modo

modo vero reuelationum per URIM  
& TYMMIM probabile videtur;  
Pontifici URIM & TYMMIM, tanquam  
Symbola Divinitus destinata con-  
venienter adhibenti, responsa à  
Deo data fuisse per verba men-  
talia, sive illuminationem intelle-  
ctus.

II. De Specificatione Objecto-  
rum disciplinarium in nulla disci-  
plina commodiori ratione agi pot-  
est, quam in Metaphysica, scienti-  
arum Domina, ejusq; parte Speci-  
ali, proinde etiam ibidem citra  
prægnantes causas à perplurimis  
omittitur ista pars, quæ non in-  
convenienter à B. D. Calvio di-  
cta est *œrarium*, seu determinativa.

III. Metaphysica objecta adju-  
dicat Disciplinis inferioribus, h. e.  
iis, quorum objecta fiunt è repræ-  
sen-

sentatione eorum, quæ sub ente  
sunt; non vero iis habitibus, qui  
Metaphysica vel certo respectu  
superiores, qualis est Theologia,  
vel sua natura & communitate non  
inferiores, quales sunt Gnostologia  
& Noologia.

IV. Ex abstractione non sumi-  
tur adæquata ratio discernendi  
disciplinas reales, cum illa sit pu-  
ra mentalis operatio, quæ non con-  
stituit objectum, seu esse ulli rei  
tribuit, proindeq; nec per se suf-  
ficit ad specificandas & distin-  
gvendas disciplinas reales: & præ-  
terea in unà eademve disciplina  
dantur aliquando diversæ species  
abstractionis.

V. Vox ABRECH Gen. xli. 43.  
non est Hebraica, à rad. BARACH, ge-  
qua flexit, (ut plurimi contendunt)

nec composita à voce Hebr. *A b n,*  
pater, & Syra *RECH*, *Rex*, vel *regnum*,  
quo sensu translata est à B. D. Lu-  
thero, quem iterum secutus est  
Suecus, hanc vocem vertendo;  
Thenne àr Landsens Faber: Sed  
est potius *Ægyptia* sive *Coptica*,  
ibidem adhuc superstes, reverenti-  
am notans, quam videtur Moses,  
ob insignem cum voce Hebr. *Ba-*  
*rach* congruentiam, peculiari rati-  
one retinuisse.

VI. Nomen Sanctissimum Ser-  
vatoris nostri, Jesus, non à Græca  
voce *Ιάωσανο*, ejusq; *Futuro* *Ιάσω*,  
ut placuit Basilio Magno, Epi-  
phanio, Cyrillo; nec à nomine  
Tetragrammato *JEHOVAH*, & in-  
terpositione literæ *Schin* concisæ,  
è voce *SCHILO* Gen: xlix. 10, ut  
placuit Viro insignis eruditionis

D. An-

D. Andreæ Ofiandro : sed à rad.  
Hebr. JASCHA *salvavit*, recte deriva-  
tur, quam originationem nomi-  
nis IESU etiam Angelus Matth. I. 21.  
suppeditat; καλέσας Θόνομα αὐτὸν ΙΗ-  
ΣΟΤΝ· αὐθεντῶσα σώσει Τράπεζαν ἀπὸ τῶν  
ἀμφορίων αὐτῶν; Vocabis nomen ejus  
JESUM, chiu Joschia eti Ammo quia  
ille salvabit populum suum à pec-  
catis suis.

Tibi O JESU cum Patre & Spiritu San-  
cto sit laus & gloria in nunquam ter-  
minanda secula!!!



*Pereximic & Eruditissime*

**DN. C A N D I D A T E ,**  
Fautor & Patriota sincerissime.

**G**ratia mihi semper fuere mores tui,  
tuaque in doles honesta quævis adspiri-  
rans, quibus accessit ista à tenera us-  
que ætatula amica inter nos habita  
conversatio ac familiaritas, quæ ipsa  
non potest non eo usque me adigere,  
ut insignes tuos progressus prolixiori  
affectu, quam crena congratuler.  
Eruditio tua non absque grandi labore vigiliis ac industria compa-  
rata, tibi istum jam defert honorem,  
quem optime meritus es, scilicet Ma-  
gisterii laureâ te coronare decrevit  
Parnassus Aboicus, tibique studiorum  
tuorum fructum larga manu adferre.  
Itaque pede felici, fausto omâne, hono-  
res tantos suscipe! Vivas in Divini no-  
minis laudem, Reipublicæ commo-  
dum, charissimæ tuæ Matris solati-  
um, & tuum tuorumque decus insi-  
gne, Vale.

**NICOLAUS SYLVIUS.**  
*Plau-*

Plaudere vos Musas letis his ausibus  
ajo,  
Claris, queis operam dederat, castisque  
Camœnus,  
Inclitus en! nostras Heliconiq; fulgidus,  
ovans,  
Sedc oriundus, ut E<sup>G</sup> Parnassia culmina  
celta  
Scandere vix dubitans, properè indeque  
dona referre.  
Entea sic lauru Ti tempora cingere  
tentant,  
LAURENTI, carmenque canent modo pe-  
ctore toto,  
Castalides Nymphae, dignos meditantur  
honores.

Pauca hacce Peregrinio Dr. CANDIDATO,  
Amico & Patriotæ singularitè  
honorando, gratulabundo, in-  
ter alios, utut festinante, fudie  
calamo

JONAS CORYLANDER,  
Borg. Nyland.

AD VIRUM JUVENEM  
Pereximiam & Doctissimum,

DN. LAURENTIUM STAKÆUM,  
de *Ophiritica* navigatione, Pro-Gradu  
magisterii sobrie Disputaturum, Fauto-  
rem & Sympatriotam laudatissi-  
mum, congratulatio.

Ingeniorum diversitatem acutiori mentis in-  
dagine investigare, difficilimum esse fateor,  
interim prout monstrant temporum acta, indi-  
gitat rerum magistra Experientia, paucissimis  
mentem explicare licebit. Reperiuntur impre-  
mis ea ingenia, quæ de nascendi fortuna sese  
summopere gloriantur, dum vetusti generis  
stirpem, majorum sumosas imagines, paren-  
tum merita, titulorumq; onustissimam glori-  
am, longâ rerum & verborum serie ostendunt.  
Quid de hisce judicandum? Vanitatum sunt ama-  
tores, stolidæq; dignitatis ostentatores maximi;  
siquidem virtutum destituti comitatu, honoris  
ornamenta miserè contaminantes humiles, imo  
abjectissimi plebejæ sortis homunciones cen-  
sentur. Sunt iterum alii, qui, si antea per mutua  
aliorum subsidia, ad tam obscenum eminen-  
tiæ gradum non evecti fuerint, pecuniarum lar-  
gâ benignitate ummis viribus viam ad obtinen-  
dam

dam nobilitatem sibi sternunt, quam paratam, ex  
summis natalium sordibus, in lucem & splen-  
dorem prodeundo, nominaque illustris fortunae  
assumendo, incomparabilem honoris classem  
se intrasse perperam autumant; ubi ornata  
servorum specie, tumida corporis dignita-  
te, & nescio quo magnifico apparatu non e-  
minent fulgentque. Miror subitam metamor-  
phosin; omnis tunc exulat veteris fortunae  
squalor, agrestis morum rusticitas penitus ab  
illis abest. Sed o vulgaria ingenia! O no-  
bilitatem miseram! quam fibi turpi mercede-  
emunt, quam opum male quæsitarum cumulis  
exstruunt, quam in distinctis auro vestibus, &  
bullato fastus & nequitiarum corpore gerunt.  
Plebejorum ingenia præteream, in quibus nul-  
la animi viget indeoles, nulla virtutis præstan-  
tia, nulla morum integritas & rectitudo.  
Spatii destinati angustia tam varias ingeniorum  
diversitates enumerare vetat; commendaamus  
solummodo illam nobilitatem, quæ non ab il-  
lustri alicujus genere, non a claro parentum  
sanguine, sed ex ipsa virtutis actione descen-  
dit: *Virtus enim sola nobilitat*, quæ fulgidi-  
orem lucem habet, quando cum virili & gene-  
rosa literatura sit conjuncta; tunc, si in aliquo  
homine concurrant, & casta parentum nobili-  
tas, & præclara animi præstantia, & facto-

rum

rum laudabilis gloria, beatus & verè nobilis habendus. Ejusmodi Nobiles deprædicat regnum hoc SveoGothicum, ubi ob eruditam ingenia vigent imperantium folia, lætantur Ecclesiarum aræ, gaudent judicium subsellia, Academiæ, Gymnasia, & Schole puerorum præ lætitias exultant. Hanc nobilitatem declamat Finnorum literatus orbis, hunc splendorem decantat Diœcesis Wiburgensis, quæ vicum iterum, & svavi morum harmoniam, & solidam eruditione clarum & nobilem in Ecclesiæ & reipublicæ literariæ incrementum accipit. Laudant hanc gloriam membra Nylandiæ, siquidem ille, quemadmodum hactenus, comis, suavis & jucundus Sympatriota fuerat, sic in posterum nominis celebrioris perennitate manebit, Literatorum decus, gloria viorum, & Nationis nostræ Nylandicæ illustre sedus.

*Quod occupatissimus raptissime  
adposuit*

DANIEL HAGERT.

